

ҚҰРМЕТТІ БЕЙБІТКҮЛ СӘРСЕМХАНҚЫЗЫ!

Сізді және Қорқыт ата атындағы Қызылорда университетінің ұжымын Жәңгір хан атындағы Батыс Қазақстан аграрлық-техникалық университетінің профессор-оқытушылары мен білім алушылары атынан 85 жылдық мерейтойларыңызбен шын жүректен құттықтаймын!

Бәсекеге қабілетті мамандар даярлайтын қасиетті Сыр өңіріндегі оқу ордасы 85 жыл ішінде дамудың даңғыл жолынан өтіп, өсіп-өркендеп, бүгінде заман талабына сай зор беделге ие болған білім мен ғылымның қара шаңырағына айналды. Қорқыт ата университетінде білім алған түлектер әр салада, еліміздің әр өңірінде жемісті қызмет атқарып жүр. Бұл – жоғары білім беру ісінде өзіндік қолтаңбасы бар іргелі оқу орнынан білікті мамандар мен парасатты тұлғалар түлеп ұшқандығының айқын көрінісі. Білікті ғалымдар мен үздік профессорлардың, тәжірибелі оқытушылардың жан-жақты берген білімінің жемісі.

Батыл жаңарулар мен үлкен өзгерістер жолынан өткен Қорқыт ата университетінің миссиясы мен стратегиялық мақсаттары жоғары оқу орнын әлі де сапалы кәсіби білім мен ғылымның шыңына жетелері сөзсіз. Болашағы баянды, келешегі кемел білім ошағының жетістіктері алдағы күндерде де еселене береді деп сенеміз. Білім кеңістігінде өзіндік орны айрықша университеттің жетер жеңістері мен алар асулары көп болсын! Ордалы оқу орнының ұжымын үлкен мерейтойларымен құттықтай отырып, бақытты өмір, жарқын болашақ, табысты еңбек, тамаша идеялар мен жаңа жобалар тілеймін!

Қазақ елінің ұрпақтарын кемел келешекке даярлап жатқан ұжымның шығармашылық жетістіктері өркендей берсін, әріптестігіміз беки түссін!

*Зор құрметпен,
Басқарма төрағасы-ректор*



Наметов А.М.

